

氏族典第二百二十三卷

牙姓部彙考

鄭樵通志 以名爲氏 周人名

牙氏風俗通云周穆王司徒君牙之後以王父字爲氏 臣謹按穆王所以命君牙無因不以名命也

牙姓部列傳

唐 牙惟昌

按萬姓統譜惟昌宣州長史

明 牙建旗

按萬姓統譜建旗臨洮人宣德中金吾衛千戶

嘉姓部彙考

鄭樵通志 以字爲氏 晉人字

嘉氏晉大夫嘉父之後欒氏黨也

嘉姓部列傳

周 嘉父

按左傳襄公二十一年欒盈出奔楚宣子殺嘉父

宋 嘉侯

按萬姓統譜侯宋人

嘉正

按萬姓統譜正太平興國進士湘鄉人

嘉承

按萬姓統譜承永州司法

元 嘉兆

按山西通志兆平金有功授平陽太原等處都達魯花赤

嘉彬

按山西通志彬字仲文潞州人以父兆平金功累擢內臺御史糾平章阿合馬受賄事旌彬直言遷內臺治書進刑部尙書轉正議大夫僉湖廣行中書省事卒追封京兆郡侯

明 嘉縉

按萬姓統譜縉夏縣人景泰舉人

嘉容

按高苑縣志容稷山人舉人嘉靖年任知縣

衛姓部彙考

凌迪知萬姓統譜 衛姓

秦穆公子食采於衛因氏焉江夏

衛姓部列傳

漢 衛謹卿

按奇姓通謹卿長平令七世同居

晉 衛博

按晉書李特載記河間王顥遣督護衛博討特特命子蕩雄襲博博敗績走葭萌

巴姓部彙考

鄭樵通志

以國爲氏

周同姓國

巴氏子爵世本云巴子國子孫以國爲氏其地杜預云巴郡江州縣按江州隋改江津今隸渝州漢有太常巴茂後漢黨錮傳有巴肅又有揚州刺史巴祗以清貧著名

廖用賢尙友錄

巴姓

巴高平徵音

巴姓部列傳

周 巴蔓子

按奇姓通蔓子巴國人仕爲將軍周末國亂蔓子請師於楚許以三城楚發兵救巴遣使請城蔓子

曰藉楚之靈克濟禍難誠許楚王城可持吾頭往謝城不可得也乃自刎使者以蔓子首報楚王王曰使我得臣如蔓子者用城何爲乃以上卿之禮葬其首巴人亦以上卿禮葬其屍於施州

巴寧

按尙友錄寧戰國人公孫座曰決利害而使三軍不惑者寧之力也賜錢十萬

後漢 巴茂

按後漢書丁鴻傳鴻從桓榮受歐陽尙書開門教授遠方至者數千人彭城劉愷北海巴茂九江朱偁皆至公卿

巴肅

按後漢書巴肅傳肅字恭祖渤海高城人也初察孝廉歷慎令員丘長皆以郡守非其人辭病去辟公府稍遷拜議郎與竇武陳蕃等謀誅閹官武等遇害肅亦坐黨禁錮中常侍曹節後聞其謀收之肅自載詣縣縣令見肅入閣解印綬與俱去肅曰爲人臣者有謀不敢隱有罪不逃刑旣不隱其謀矣又敢逃其刑乎遂被害刺史賈琮刊石立銘以記之

巴祇

按萬姓統譜祇揚州刺史以清貧著名

明 巴鏞

按萬姓統譜鏞江西人永樂進士

巴思明

按新城縣志思明正德甲戌進士授行人會武宗南狩逆彬專擅中外洶洶亡敢言者思明奮然上疏發其奸下錦衣獄與杖罰跪午門外五日會有傳命豹房軍人縛入者思明自分必死遙語家人曰吾既死國不愧於家幸慰吾父母勿過悲也適有申救者止午門外杖四十謫國子學正世廟登極詔復其官遷戶科給事中轉兵科忤權奸外補浙江僉事執法嚴明甫二年旌疏五上方屬進用卒於官

巴鏐

按冠縣志鏐四川人嘉靖年任縣丞

巴文忠

按萬姓統譜文忠壽州人舉人

瑕姓部彙考

凌迪知萬姓統譜 瑕姓

瑕見姓苑

瑕姓部列傳

周 瑕叔盈

按左傳隱公十一年秋七月公會齊侯鄭伯伐許庚辰傳于許潁考叔取鄭伯之旗螫弧以先登子都自下射之顛瑕叔盈又以螫弧登周麾而呼曰君登矣鄭師畢登遂入許

瑕禽

按左傳襄公十年王叔陳生與伯輿爭政王右伯輿王叔陳生怒而出奔及河王復之殺史狡以說焉不入遂處之晉侯使士匄平王室王叔與伯輿訟焉王叔之宰與伯輿之大夫瑕禽坐獄于王庭

士句聽之王叔之宰曰簞門閨竇之人而皆陵其上其難爲上矣瑕禽曰昔平王東遷吾七姓從王牲用備具王賴之而賜之辟施之盟曰世世無失職若簞門閨竇其能來東底乎且王何賴焉今自王叔之相也政以賄成而刑放于寵官之師旅不勝其富吾能無簞門閨竇乎唯大國圖之下而無直則何謂正矣范宣子曰天子所右寡君亦右之所左亦左之使王叔氏與伯與合要王叔氏不能舉其契王叔奔晉

瑕廖

按姓氏急就篇周有瑕廖

瑕辛

按姓氏急就篇周有瑕辛

瑕嘉

按鄭樵通志晉有瑕嘉

漢 瑕更

按鄭樵通志漢有廷尉瑕更

瑕蒼

按鄭樵通志漢有瑕蒼

瑕衰

按萬姓統譜襄漢人

杷姓部彙考

鄭樵通志 以國爲氏 周同姓國

杷氏杷闢牙切字亦作爬本巴氏東樓公之後後漢靈帝時巴康避董卓難改爲杷氏

杷姓部列傳

北魏 杷秀

按奇姓通秀西魏涼州刺史

明 杷安

按萬姓統譜安宛平人正統中英山縣丞

夸姓部彙考

廖用賢尙友錄 夸姓

夸見姓苑

夸姓部列傳

上古 夸父

按山海經大荒北經夸父不量力欲追日景逮之於禺谷將飲河而不足也將走大澤未至渴死

茶姓部列傳

明 茶昱

按萬姓統譜昱武平人洪武中洛川縣訓導

茶寧

按萬姓統譜寧什仿人正統間永壽縣訓導

蔡孟元

按萬姓統譜孟元重慶人嘉靖中陝西耀州寶坻知縣

鄺姓部列傳

宋 鄺巴

按奇姓通巴乾道間任福建路兵馬總管

加姓部列傳

明 加傳

按山西通志傳字習夫稷山人嘉靖己酉舉人任曲周知縣銳意振揚卹里甲革免收犒河夫禁賭博丁外艱囊無一錢院道而下憐其貧賻之生平無一事請託於人當官亦無一事受人之託居制過於哀痛卒年僅四十四人咸惜之

加釋

按荏平縣志釋稷山貢士嘉靖年任教諭

加姓 蔦姓 奢姓 畚姓部列傳 蝸蝸諸姓部彙考之一

葭姓部列傳

漢
葭衆

按萬姓統譜衆漢人

奢姓部列傳

上古
奢龍

按管子黃帝得奢龍而辨乎東方以爲土師得庸光而辨乎南方以爲司徒得大封而辨乎西以爲司馬得后土而辨乎北以之李行

畚姓部列傳

明
番恭

按詔安縣志恭崇禎十四年歲貢

姁姓
蠋姓
馬姓
娃姓
華姓
亞姓
斜姓
耶姓
羣姓
晉姓
部彙考

鄭樵通志
以名爲氏
古天子名

媯氏女媯氏之後

凌迪知萬姓統譜 蝸姓

蝸見姓苑

駟姓

駟季駟之後

娃姓

娃見姓苑

華姓

華見姓苑

亞姓

亞見姓苑

斜姓

斜見姓苑

耶姓

耶見姓苑

華姓

華音花見直音

晉姓

晉音亞

氏族典第二百二十四卷

陽姓部彙考

鄭樵通志 以國爲氏 周不得姓之國

陽氏其國近齊閔二年齊人遷之子孫以國爲氏或言周景王封少子於陽樊而以爲陽國誤矣陽樊周畿內之邑晉有陽處父魯有陽氏楚有陽氏半姓

廖用賢尙友錄 陽姓

陽商音藍田

陽姓部列傳

周 陽處父

按左傳僖公三十三年晉陽處父侵蔡楚子上救之與晉師夾泚而軍陽子患之使謂子上曰吾聞之文不犯順武不犯敵子若欲戰則吾退舍子濟而陳遲速唯命不然紆我老師費財亦無益也乃駕以待子上欲涉大孫伯曰不可晉人無信半涉而薄我悔敗何及不如紆之乃退舍陽子宣言曰

楚師遁矣遂歸楚師亦歸

陽虎

按左傳定公八年季寤公鉏極公山不狃皆不得志于季氏叔孫輒無寵于叔孫氏叔仲志不得志于魯故五人因陽虎陽虎欲去三桓以季寤更季氏以叔孫輒更叔孫氏己更孟氏冬十月陽虎伐孟氏戰于棘下陽氏敗陽虎說甲如公宮取寶玉大弓以出入于謹陽關以叛九年夏陽虎歸寶玉大弓書曰得器用也凡獲器用曰得得用焉曰獲六月陽虎奔晉

陽越

按左傳定公八年陽虎欲去三桓冬十月將享季氏于蒲圃而殺之戒都車曰癸巳至成宰公斂處父告孟孫曰季氏戒都車何故孟孫曰吾弗聞處父曰然則亂也必先於子先備諸與孟孫以壬辰爲期陽虎前驅林楚御桓子虞人以鉞盾夾之陽越殿將如蒲圃桓子昨謂林楚曰而先皆季氏之良也爾以是繼之對曰臣聞命後陽虎爲政魯國服焉違之徵死死無益於主桓子曰何後之有而能以我適孟氏乎對曰不敢愛死懼不免主桓子曰往也孟氏選國人之壯者三百人以爲公期築